

EMIKA 100 CHO OBUBEYI BWA TOTO NENDE BA MASRI

Baana befwe mu Biislam

Assalaam alaikum wa Rahmatullah, Obukadiyan, Obumanyishe mbu Obumurizai noomba obu ahmadiya bwikhoolire likhuwa Likhoongo lia abulafu tsinyanga tsino, mushibala shiosi . Ebeislam baanzire Okhayala amayalo kaseera amayaalo kano Khulwa shiina kabe kario? Khulwa Shiina khubaseere muno mumiaka chini? Ereebungwa po nende abaislamu abaraaka mbu khulwa shiina khuseeranga obumirizai /obuahmadiya, No busiislam bukhwechesiinja mbu khulekhane nende ameeke ke tsidiini tsiindi, kata kario abaraaka abasoomi beshiislam babulaano baloolanga mbu shikhulwanaangakho tsidiini tsiindi etsili ehaale no bwiislam ngana khulwananga obummizai tawe Ngana khuli nende tsidiini tsiindi tsiuubiranga Mu barumwa baabo ngana abasiani ba Nasaye, ne abandu baandi balaamanga tsisololo, na abaandi kata shibasubiranga Mu Nasaye tawe. Kho ebeislam be imbia yino baloolanga mbu khulekhane nende abamirizai balonde injira yabwe ngana beenya. Ne ni khweenya mbu khumanye obwatieri bwa amarebo ngano yako laano kenyekhana khweeke tsiinjira tsia abamirizai basubiranga mwo.

NE AMAYALO KABWE KANO NI KOBWISLAM NGANA BASUUNGANGA? NOOMBA NO BUBEYI BWA TOTO MULIRA LIO BWISLAM?

Mu tsinyanga tsio bukhuli bwa amayalo ke shikadiyani mumiaka 100 chaawere, abasoomi befwe shibanyalirwa okhulwana nende obusuubiri buno obwaanza okhwinjira mu meeko na amalako keefwe muliira mbu bakaasinja obuislam. Bapaaranga mbu omukanda omuyayi kuno kulifwa lifwa liako nikuwao kabisa, ngana emikanda chiindi echafwana chirio muliira lio buislam mana nichifwa lifwa liacho. Ne letsinyanga tsiabira bamala baalola mbu shikali ngana babaraanga tawe.

Mutsinyanga etso obukadiyani bwanyoola amani okhurula khu abeingereza (abapala). Abaruchi be shingereza mu India balola mbu obuislam buli na amaani ko khuriibwa. Khandi mumiika 35 inyuma bali abeislam nibopaanekho mushialo isho (India) nibashirire, kho abapala balola mbu abaislamu banyala okhubalwana. Kho ni balola mbu obukadiyani bunyala okhuba amusanjirisi omukhongo owunyala okhusalaasia obulala bwo bwiislam , ne baanza okhubu khoonya na amapesa nende buli shiindu.

Khulwe sho no sooma sana olola mbu Abakadiyani bayaliranga abandu okhuria oburuchi bwa abengereza , kata basunga okhuinamira abengeresa ne lilako mumalako ko buislam. Ne likhuwa lino bamala babukula Aya mu Quran indakatifu mbu khurie abamisiri befwe , ne nibeebirira mbu Nasaye yasuunga mbu abemirisi babe mwifwe (abeislam). Shikali sa mbu abakadiyani babaya omubayo kwo khwiluunya khu beingeresia tsinyanga etso tsonyene tawe , lakini batsiriranga mumiika 100 , batsiriranga okhukhoonya abasuku bo buislam mubwiifisi , bulano buri bakhonyanga sa abulafu, kata mufialo fia baraabu nende abahiindi bakhoonyanga efialo efisuku fia abeislam.

Abandu befwe baandi beluunyanga khu busubiri bwe shikadiyani khu lo khubeheresia kata tsinzu khulo khukasia tsiofisi mbu bakholanga Tabligh lakini tsiofisi itso ni tsio khwibwondera amakhuwa kobuislam, bara mufialo efinji efiri ebisuku fiobuislam, laano alola mbu abasuku bobuislam balolanga mbu abakadiyani nabalayi bo khwikhoonyera khulwo khu sabulula obuislam.

Ne shohu kaangakho tawe! mbu khulwa shiina abakadiyani tsinyanga tsino bahuyiranga mufialo fia basuungu kata Amerika, lakini abaandu baandi shebeyamirwa tawe?

Ekhusunjira mbu obuyingani bwa abeislam no busubiri buno ni obwifisi bwabo mbu ni abeislam. Lekha ekhubiire mbu shiiri khubaseeranga khulwo busubiri bwabe tawe, lakini lekhasa abanbu bano basuunje abulafu mbu shibali abeislam tawe, mbu bo ni Idini impiakha, ne khulaanza okhumenya ninabo ngana khumenyanga nenda abetsidini baandi shikhunyala okhwikhala ninabo endi tawe. Khulwesho.

Obusubiri bwo bumalilishi bwo oburumwa mubislam ne likhuwa liamanyikha mutsidini tsiosi etsieekha. Ne khubiirungwa mbu aumao abundu noomba efise efia Nasaye alaruma omurumwa tawe, nafu abeislam khusubiraanga mubarumwa boosi, ne Nasaye ya malilisia amalako ke (SHERIA) khu murumwa Mohammed

(S.A.W), ne aumao oundi bekheetse inyuma we, ne abeislamu basubiranga mbu omundu wundi nalitsa inyuma wa Muhammed (S.A.W) mana yasuunga mbu No omurumwa yakhabe omuyiingwa, noomba omubeyi, noomba kaafiri.

La Mirza Ghulam A. Wa Kadiyan yakaamba mbu niye omurumwa, ne yarerwa nende Nyasaye ngana Messiah (Yesu) Omukanda kwa Abeislam khwabukula omweemo mulala ne bamutangasia ngana obubatsa omukhhongo. Shingana esunjirekho mbu ameeke kano kakhawere lwangu, okhuyiiniakho kanyoola amaani okhurula khu abeingeresa nende efialo efiseeri fio buislamu. Kata kario khuli nende abasoomi abaanji beshislamu, lakini bo baburanaanga khurukhuwa rutuutu, tawe amakhuwa amakhongo ngana:

- 1) Obumalilishi bwo Quran - Majeed ngana eshitabo sho khumalilikha.
- 2) Obumalilishi bwa omurumwa omwitsoomibwa Muhammad (S.A.W) ngana wo khumalilikha (S.A.W) shinga omurumwa omumalilishi.

Watiira khu amakhuwa ako kabiri olaba oresiye obuiislamu bwoosi. Ngana oluyali lwo omurumwa Mohammed shinga no omurumwa omumalilishi niko amani ko bulala bwa abeiislamu.

Laano obuseeri bwefu ni khulwashiina arulire sa omundu achache okhubaya omubayo ngana abakadiyani bakhubayiranga, kho kenyekhana khweeme omweemo kwo bwatieri mbu khulalumwa nende inzokha khabiri tawe.

Ngana Mirza Ghulam Ahmad yachachia ameeke kano, akayalaanga mbu 'AHMADIYA', abeislam mu India bali mutaabu tsinyiingi, abakristo bali bakhoolanga amaani okhwinjisia abeiislam mubukristo, nabo abapanian boosi benjisiinja abeislam mubupanian belaanganga mbu 'SHUDHI'. Nabo abeingeresa bali ni batsiriranga okhuiira nende okhufuraka obuiislam, Enga! Mubulamu bwimbisa yino la Mirza GHULAM A. Kadiani yaanzia okhukaamba ameeke ke, na shinga na yaanzia shiasunga mbu ni omurumwa tawe.

Esie ndebulwa kadiyani mumwika 1914 olwaana iwaanje ndamaala nende abandu bano. Laano abaandu benjiranga mubukadiyani bali abeiislamu ba toto, na ngana Mirza yaanza okhuraamo ameeke amaabi baanza okhwiirukha mwo. Ne enyuma eyo yalwanga nende abekho be mbu "GHULAM AHMED" mbu OMUKHALABANI WO MURUMWA AHMED (MOHAMMED), Ne laano yekholire mbu niye omurumwa Ahmed, bahuka po.

Abakadiyani babulano bamala okhunyasibwa obwoongo, mbu ni lilako ukhusuubira mbu Mirza Ghulam Ahmed ni omurumwa mumalako ko buiislamu. Obusuubiri bwe imbia yino bubakholanga okhubalaanga abeiislamu abalali mubo tawe, mbu ni makaafiri, khulwe sho shibanyala okhulaama inyuma womuiislam tawe, nomba okhuyabira omuiislamu tawe, kata okhuteshana nende omuiislamu tawe nende amakhuwa amanjii. Ne litookho lya kadiyani lia bukula obwiyaangu bwa MAKKAH, kata kario efindu firi mukadiyani balolanga mbu nefilolero efikhongo fia Nasaye, khwifwe abeiislamu efindi firi Makkah nefilolero fia Nasaye. Ne omukhasi wa Ghulam bamuheresia elira mbu UMMIL - MOMINIIN (Mama wa abasuubiri) ngana efwe abeiislamu kenyekhana khubalaanje abakhasi ba omurumwa Mohammed (S.A.W) abaamama ba basuubiri.

Ne omwimirisi wabwe wokhubiri owulangwa mbu Mirza Bashiruddiin Mahmud omusiani wa Mirza Ghulam A. Yekholo mbu ali nobusuubiri obushira Omar ibn Alkhatib omwimirisi wefu wekhubiri, ne obwatieri bwene ni amakhuwa ako koosi no BUBEYI khandi OBUKORI BWE INJIRA.

Anti Ahmadiyya Movement in Islam
syed Abdul Hafeez Shah
Rashid Ali
P.O. Box 11560
Dibba Al Fujairah
United Arab Emirates
Fax (9719) 44 28 46